

孚惠全書

平惠全書卷九

差役蠲緩一

雍正十三年十月十七日奉

上諭朕即位以來加惠黎元撫綏備至疊渾恩膏業將雍正十二年以前各省民欠錢糧悉行蠲免惟是西陲用兵數年陝甘二省人民輓運軍需糧餉効力獨多其踴躍趨事之誠甚屬可嘉朕思百姓等輸忠奉上情既倍於尋常則朕所以體恤褒嘉恩當出於格外其陝甘人民應作何加恩以示優獎之處著總理王大臣會同九卿定議具奏

十二月十七日奉

上諭川省口外番部輸誠急公良可嘉憫朕已降

旨令已裏二塘所納一年貢賦悉行蠲免以昭撫恤至意其明正土司所屬等處並沈冷二邊以及口外新附各處番衆恭順効力與已裏二塘無異所宜一體加恩普施惠澤著將明正沈冷各土司所屬一年雜糧折徵銀並貢馬銀及口外新附各處認納折徵銀該撫查明確數通行蠲免土目人等不得私收中飽務使番夷得需實惠再已裏二塘正賦之外尚有衣單口糧等項銀兩原以克支給喇嘛土官之用今正賦既蠲而此項仍徵恐番夷蠢愚不能分晰土目人等或乘此牽混私收著將衣單口糧銀兩亦一併蠲免其應支各項衣糧著咨部撥補以上應蠲各項諒本年已經完納可

於乾隆元年照數通銷

乾隆元年二月初四日奉

上諭陝甘民人自軍興以來急公効力甚屬可嘉
除屢年叨蒙

皇考疊沛恩膏外朕又降旨將本年應徵錢糧甘
省全行豁免陝省止徵一半以昭格外之恩但查
錢糧完納例有定期上年陝省收成未稱大稔今
年春夏之際未免輸納艱難著將應徵一半額賦
寬至夏禾收成後再行開徵以紓民力至該省應
用兵馬錢糧著該撫豫先籌畫另行撥給俟九月
徵收之後各歸原款報部查核可即傳諭該部知
之

初四日奉

上諭黔省州縣被逆苗擾害之處所有雍正十三年應徵銀兩木石一概蠲除其未經被擾地方地丁銀兩亦俱豁免並令將糧米停止徵比以紓民力朕思此等郡縣雖未被擾而運送軍需等事均屬勞苦深用軫念今特再頒諭旨將從前停徵之木石照下游之例一體豁免以示朕優恤邊氓之至意

三月十四日奉

上諭川省所屬內附巴裏二塘及沈冷二邊各番朕念其恭順効力曾降諭旨將本年所納供賦雜糧等項概予蠲免以示優獎其建昌松潘所屬涼

山會川鹽源阿樹木坪各土番等處俱傾心効順
遇有徵調奮力奉公毫無違誤所宜一體加恩將
本年未折條銀以及本色雜糧貢馬等項照已裏
塘沈冷邊之例通行蠲免再普安安阜西陽等處
現在建造成垣皆資民力所有本年應納貢賦亦
照松潘之例概賜豁免該督撫飭令該管官實心
奉行勿致中飽滋弊俾得均霑實惠以昭朕懷恤
遠夷之意

六月二十四日奉

上諭從前北路軍需內有運送料卜多截留察漢
叟爾等處應追腳價銀二萬九千餘兩雖係商人
承領而起運之時全數給發是以截留之後在於

車駝戶名下著追已還過銀一萬四千餘兩尚有
一萬四千餘兩未完朕思車駝戶較商人更為貧
苦現今人兵既撤營運無多完項自屬艱難且多
係並無家產之人朕心深為憫惻著將前項未完
銀一萬四千一百四十四兩九錢俱行豁免又商
人趙位侯等於觀音保運送十八軍需案內除十
二案李成功脚價應行扣追外其餘數案多係因
公賠累情節亦有可原且該商從前繕辦軍需有
節省銀二萬餘兩著該部查明即以節省之項抵
補免其著追

十月二十八日奉

上諭而陸自用兵以來陝甘百姓轉運糧餉急公

効力甚屬可嘉已蒙

皇考疊沛恩膏加撫恤朕即位之初又將乾隆元年甘肅額徵錢糧全行豁免西安等屬豁免一半今朕復思大兵旣撤正與民休息之時若再寬一年額賦則民力更可寬餘安居樂業著將乾隆二年甘肅錢糧全行豁免西安等屬錢糧豁免一半以示朕加惠秦民之至意

乾隆四年十月十七日奉

上諭據四川松潘總兵潘紹周奏稱本年八月出口化番親見衆番感戴皇仁漸知禮法均安住牧惟是臣等每年出口應帶弁兵前往所需駝載馬拉馬牛一百五十之數例由口內番子送出口外

番子送回每一馬牛每日給腳價茶葉一觔按日給發但衆番貧寒恐不敷往回盤費可否懇恩每日賞給腳價銀一錢俾窮番往回敷用等語著照該總兵所奏嗣後每年出口化番應用之馬牛按數每日賞腳價銀一錢以資路費該部可行文該巡撫知之

乾隆十一年六月初三日奉

上諭此番征勦瞻對四川各土司率領番衆承辦軍糧催催烏拉莫不踴躍從事將及一載急公趨義甚屬可嘉該土司等本年應納貢賦已經著免今軍務告竣著再加恩將打箭爐口內口外効力之各部番衆應納貢賦再行蠲免二年以示優恤

勤勞之意該部即遵諭行

乾隆十三年七月二十八日奉

一

上諭金川逆酋不法現在調撥大兵刻期勦滅一切軍需供應絲毫不以累民惟是飛輓輓粟烏拉之外間亦酌用民力雖給與腳價口糧小民不無勞瘁朕心軫念著該督撫查明辦過夫米各州縣將本年錢糧先行緩徵俟凱旋事竣之日分別等次奏明請旨朕朕加恩以示朕軫恤邊氓之意

十二月十九日奉

上諭川省軍興以來輓粟飛輓動支正項並不絲毫侵累閭閻但一切夫馬支應未免有資民力而該處小民踴躍應募奮勉急公殊可嘉尚前經降

旨將本年地丁錢糧加恩緩徵在案現今大兵雲集雖刻期奏凱而兵馬經過處所不無供億之繁朕心軫念著將川省乾隆己巳年地丁錢糧再行緩徵以紓民力以示朕惠恤民勞之意

乾隆十四年正月十四日奉

上諭陝省為入川要路其武功以西棧道綿亘較川省尤長所有大兵經過地方一切供億雖絲毫不得擾閭閻而夫馬支應未免有資民力前曾降旨將川省己巳年地丁錢糧再行緩徵在案其陝省入棧毗連川境之州縣應與川省一體加恩著該督撫查明各該州縣本年應徵地丁錢糧全行緩徵以紓民力該督撫其悉心查辦俾窮黎均霑實

惠以示朕矜體民勞之意

五月初九日奉

上諭前因川省軍興一切供億輸挽有資民力曾經降旨將該省乾隆十三年並本年分地丁錢糧概行緩徵復令該督策楞將辦過夫米各州縣於凱旋之日查明等次奏請候朕加恩今據策楞分別查奏其列在一等之茂州等一十四州縣地居衝要差務殷繁承辦夫米最多應加恩蠲免一年錢糧列在二等之溫江等四十三州縣應辦米出夫稍次或有派往出口站夫或當北路孔道差務亦重應酌免一年錢糧十分之七列在三等四等之州縣或糧由舟運人力稍省或辦夫而不辦米

辦木而不辦夫如樂山等二十二州縣應酌免一年錢糧十分之五隆昌等五十三州縣酌免一年錢糧十分之三至乾隆十三年錢糧既經蠲徵所有急公完納之戶照伊等完納分數仍准展限蠲徵以示獎勵其本年緩徵者目今軍務雖竣仍令該督相其緩急毋致催督擾民如此則全蜀辦公出力之良民咸得仰邀恩澤元氣漸舒該督等應督率所屬妥協辦理並出示曉諭俾閭閻均霑實惠以副朕優恤勞民之至意該部即遵諭速行

十一月二十六日奉

上諭川省十三十四兩年地丁錢糧除分別蠲免之項外所有未完尾欠均應於來年帶徵但念軍

興之後今年雖幸豐收民力恐未充裕若一時併徵難免拮据著加恩將十二年尾欠於庚午年帶徵十四年尾欠於辛未年帶徵以示朕體恤閭閻之意該部即遵諭行

乾隆十六年六月十三日奉

上諭笨楞奏稱此番赴藏官兵人等沿途所買口糧草料僱用騎獸烏拉俱自番地應付所過地方踴躍從事毫無遲誤等語番衆等急公効順甚屬可嘉所有明正司理塘巴塘三處本年應納夷賦著加恩優免一年作了察木多類烏齊三處呼圖克圖著各賞緞八疋以示獎勵該部知道

乾隆二十一年五月二十日奉

上諭甘省一應軍需多於甘涼肅等府州縣就近採辦雖一絲一粟悉皆取給公帑即輓運轉輸之事亦必計丁給直下以派累閭閻但此數郡小民急公趨事較之他屬倍覺勤苦出力朕心深為軫念著加恩將甘省之甘涼肅等府州縣民戶屯戶及番民等本年應徵各項錢糧米豆草束一概蠲免其有已經完納者按數扣出准作來年正供該督撫其督率各地方官實力奉行務俾邊郡小民均霑實惠如有不肖官吏以完作欠侵蝕中飽者察出即行嚴參治罪該部遵諭速行

御製免甘省諸郡正供詩以紀事

有序
兩子

上年平定伊犁西北兩路軍需採購輸輓率皆

之甘涼肅諸郎邑邊氓誠惇服勤有足嘉者用
免本年應徵正供以恤勞勩

西北屬有事用兵非得已然非剪勁敵討逆執醜

耳特以道路遼東之乏任使

伊犁用兵在朕左右皆東運軍者惟大舉

士傳恒一人而關外之奔前役所用往往過於運
需昧於機宜屢致情事殊為情愆朕於始事即為
踴躍當顧不從遂致彼遊魂猶然延釜底屈指初
辦理者以此

卜征逮今復伊犁叶一年餘數月士卒亦勞止士

卒用新附及八旗弟子勇餉皆採購輸輓計價與

叶豈如新安吏點兵括鄉里尤念購與輓究資民

力矣邊郡風朴洋服勤誠足美用免惟正供休息

自今始佇待獻逆俘歸馬中外喜

九月二十三日奉

上諭前因甘省地方承辦軍需降旨將甘涼肅三府州屬民屯及番民等本年應徵各項錢糧米豆草束一概蠲免其餘各府州縣雖地方有衝僻之不同承辦有多寡之或異朕念該處小民趨事赴公均屬勤苦著加恩將甘省十三府州廳屬各州縣衛乾隆十一年至十五年民欠地丁錢糧草束概予蠲免十六年至二十年民欠未完正借錢糧著自丁丑年為始分作五年帶徵其安西五衛近接軍營皋蘭一縣地居省會出力尤多著將本年應徵各項錢糧俱照甘涼肅三府州之例一體蠲免其寧夏平涼鞏昌蘭州等府屬十七州縣本年應徵各項錢糧亦著蠲免十分之三以紓民力再

甘肅通省尚有乾隆元年至九年蠲剩未完及十年至十五年民欠籽種口糧牛本等項銀糧非因災出借為定例所不應免但該省承辦軍需民力深堪軫念著一併加恩蠲免該督撫等其董率屬員悉心經理務使膏澤下逮以副朕格外恩施優卹邊民之至意

乾隆二十二年正月初六日奉

上諭甘省地方承辦軍需去歲屢經降旨將該省本年應徵及歷年民欠各項錢糧分別蠲免但念西路現在用兵甘肅小民趨事赴公甚屬勤苦朕心甚為軫念著再加恩將甘涼肅三府及安西五衛皋蘭一縣應徵本年地丁錢糧米豆草束概予

蠲免其甘肅通省自乾隆十六年至二十年未完
地丁銀糧一併加恩蠲免該督撫等其董率屬員
審心經理俾小民均霑實惠毋致胥役中飽用副
朕恩施格外優卹邊氓至意該部即遵諭行
御製降旨免甘肅本年額賦並積欠詩以誌事丁
酉陞兵未罷戡亂非得已儲胥發官帑詎肯征問
里究之出諸民豈如無事美去年縱蠲賦今復新
正矣地瘠貧民良施恩宜在此正供與全豁寬心
勤耒招積欠免歷年妄用愁留抵靖外先安內化
日春風裏

六月初二日奉

上諭甘肅地方承辦軍需小民急公趨事甚屬勤

勞屢經降旨將歷年積欠並承辦之甘涼肅三府
安西五衛旱蘭一縣本年應徵地丁錢糧米豆草
束概予蠲免但現在軍務未竣該省為總索之地
小民出力尤多朕心時切軫念著將甘肅通省乾
隆二十三年應徵地丁錢糧加恩概予蠲免該督
撫等其並率屬員豫行出示曉諭寄心查辦毋任
不肖官吏從中舞弊用副朕優卹邊氓格外施恩
至意該部即遵諭行

乾隆二十三年正月初二日奉

上諭甘肅一省承辦軍需雖絲毫不以派累閭閻
而小民之趨事勤勞殊堪軫念前經降旨將該省
乾隆二十三年地丁錢糧悉行加恩蠲除但本年

正項雖已免徵而歷年舊欠尚有應須輸納者邊
氓仍不免追呼之擾著再加恩將該省乾隆十六
年至二十二年一應民欠未完銀糧草束通行豁
免該督撫其董率屬員實心查辦倘有不肖官吏
以完作欠侵蝕中飽及違例私徵致百姓不盡膏
惠即行嚴叅究處用徧朕嘉惠體卹之至意該部
遵諭速行

御製降旨免甘省積欠詩以紀事

成

西師猶未罷邊地亟宜懷數郡通猶積一時豁與
皆絲綸頒岳牧膏澤普推排佇待歌耆定熙春萬
物諧

五月初三日奉

上諭甘肅地方數年以來辦理軍需急須帑項雖絲毫不以累民而小民急公趨事甚屬勤勞殊堪厯念前經降旨將本年應徵地丁錢糧概予蠲免又經降旨將二十二年以前舊欠之銀糧草束通行豁免但該省為軍需總匯民風淳厚出力尤多朕心時切軫念著將甘肅通省乾隆二十四年分應徵地丁銀糧再行加恩悉與蠲免該督撫等其董率屬員豫行出示徧為曉諭毋任不肖官吏從中舞弊以副朕格外加恩優恤邊氓至意該部即遵諭行

十月二十四日奉

上諭甘省調運陝省西安鳳翔邠州乾州四府州

屬採買米麥以備軍儲所有應給腳價除自涇州
交界以內道路平坦而經過各屬秋成豐稔照例
給發腳價外其自涇州接運赴蘭山路崎嶇沿途
之平涼等屬今秋又俱有偏災若照例給以腳價
往返食用未免拮据著加恩准照河東運送兵糧
之例每京石每百里給腳價銀一錢六分回空給
銀四分以資挽運該部即遵諭行

乾隆二十四年正月初二日奉

上諭甘省遠處邊陲地方寒瘠比歲收成較薄生
計未免拮据雖通年來辦理軍需毫無旅累而一
切受雇挽運無不踴躍急公俗尚樸淳深堪軫念
業經疊次加恩將連年正供雜項並歷年積欠帶

錢銀糧草米概與豁免惟昨春曾被偏災之地尚有官借牛具籽種口糧足積年應納交官之項為從前恩旨所未及者若照例徵收無力貧黎仍復艱於輸納著再加恩將甘肅上年被有偏災及勘不成災各州縣所有未完籽種糧九萬六千餘石又折給銀一千餘兩未完口糧四萬四千七百餘石又折給銀五千八百餘兩又各屬被旱及水雹處所內勘不成災地畝原借籽種糧一萬一千三百餘石又折給銀二千五百餘兩口糧一百餘石又折給銀四千七百餘兩又甘涼肅未完牛價銀一萬一千五百餘兩乾隆二十三年各屬借給牛本糧一萬五千九百餘石銀八千餘兩皋蘭縣借

製水車未完銀兩及雍正七年起至乾隆二十二年止未完牙稅磨課等銀兩著行蠲免其乾隆元年及二十二年帶徵民欠未完各官養廉公費銀三萬九千二百餘兩糧一十二萬三千三百餘石並雍正十三年未完耗羨銀兩糧石均屬連年積欠概予豁免除俾免追呼以安耕作至口內之柳林湖毛目城等處口外之靖逆柳溝赤金瓜州小灣等處屯田並著一體加恩將本年應分糧石各照交官之數酌減一半交收俾得均霑渥澤

初二日奉

上諭甘省本年應徵地丁錢糧及歷年積欠銀兩草束等項業經上年屢次降旨加恩豁免猶念該

省邊地苦寒年米承辦軍需小民急公趨事踴躍
爭先朕心深為嘉予著再加恩將甘肅省乾隆二
十五年分通省應徵地丁錢糧悉予蠲免該督撫
等即行出示遍為曉諭並嚴飭屬員實力奉行副
朕格外優恤邊氓至意

初二日奉

上諭年來甘省承辦軍需所有額徵正項疊年寬
免其帶緩各項正雜錢糧業已屢次加恩蠲豁今
思陝西與甘省毗連小民踴躍趨事未嘗沐恩深
堪軫念除上年被偏災各屬已加賑卹外其餘或
有承辦軍需州縣應如何分別加恩著黃廷桂詳
悉查明奏聞候降諭旨

御製降旨免陝甘兩省正供並積欠詩以紀事乙卯
西海有征師卒未得息事屈指軍興來屈今凡四
歲準夷則蕩平逆徊尚稽繫國威屬觀瞻欲罷焉
能置厚集我軍容益勵我士志乘春期一舉永靖
遐荒謐叶肅涼近接邊輓運最勞勸連年免正供
豫豁庾長逮復思陝連甘豈無所波及叶體察將
並寬降旨付連帥其餘雜欠項概免大施惠肯因
討小醜而傷我元氣申命良有司推行俾均被

四月初一日奉

上諭安西瓜州屯民所種地畝本屬瘠薄年來雇
運軍糧頗能急公勸事所有乾隆二十二年分應
行交納借給牛具碾磨未完銀一萬七百三十餘

兩省加恩惠予寬免其未完行種口糧三千五百七十餘石并平分糧二千零八十餘石俱著從至今歲秋後分作三年帶徵以紓民力該部即遵諭行

五月初二日奉

上諭前因陝西與甘肅毗連之各廳州縣年來亦有承辦軍需差務小民踴躍急公深堪軫念特降旨該督令其查明奏聞今據吳達善將辦差各屬分晰查奏前來所有出力最多之潼關華陰華州渭南臨潼咸寧長安咸陽醴泉興平乾州永壽郿州長武府谷神木葭州懷遠榆林定邊靖邊等二十一廳州縣本年額徵地丁銀糧著加恩普免十

分之三其同官高陵涇陽三原富平鹽屋鄠縣藍田耀州大荔蒲城澄城韓城白水郃陽朝邑鳳翔岐山寶雞扶風隴州汧陽麟遊郿縣三水淳化武功等二十七州縣本年額徵地丁銀糧加恩普免十分之二南鄭褒城寧羌沔縣城固洋縣西鄉界陽鳳縣商州商南雋南鎮安山陽鄠州洛川中部等十七州縣本年額徵地丁銀糧加恩普免十分之一以示一體優卹加惠黎元至意該部遵諭速行

六月二十四日奉

上諭陝省運送甘肅糧石現在時值農忙若照舊例平路每百里給腳價銀一錢未免不敷雇覓者

加恩將陝西運送涇州糧石改涇州以西之例每石每百里給腳價銀一錢六分其陝甘運送錢文並著加恩於向例每百里腳價銀二錢之外量給回空銀六分以示體卹該部速遵諭行

十一月十七日奉

上諭甘省乾運軍糧及調運協濟糧石所需腳價前據大學士黃廷桂奏明疊經降旨一體增給俟秋成後仍照舊例支發但該省本年收成歉薄米糧價直尚未平減所有一切運腳著再加恩仍照從前增給之數一體支放俾乾運貧民用度充裕以示體恤該部速遵諭行

乾隆二十五年正月初二日奉

上諭甘省自軍興以來連年疊次施恩豁免正雜錢糧及一切展賑緩徵酌增運腳所有正賦已蠲至二十五年俾邊民溥霑渥澤現在大兵凱旋軍務全竣正宜與民休息且上年歲收未能豐稔朕心尤深軫念著再加恩將甘肅省乾隆二十六年應徵地丁錢糧通行豁免俾得共安耕鑿永永樂利之休以示朕優恤邊黎有加無已至意

御製降旨免甘省辛巳年正供詩以紀事

庚辰

邊省民風淳是予亟嘉春師旅所由經能無勞郡縣連歲免正供給直酬輸轉遇災仍賑恤閭閻期惠遍即今縱武成休養寧當緩叶豫免徭徭向例去即原色今初春頒渙汗惠心勿問吉助陽齊政見或正供矣

六月初三日奉

上諭甘省乾隆二十三四年平耗羨業經降旨緩徵其二十五六年平應徵耗羨該撫吳達善奏請帶徵朕念隨徵耗羨向遇蠲免正供例不應停緩但甘省自辦理軍務以來小民急公趨事誠樸可嘉業已疊次加恩凡屬緩帶及一切正雜錢糧無不破格豁免以示撫綏今軍需告竣幸遇晴雨應時秋收可望正宜益加惠養俾蒙樂利鴻庥著將該省二十五六年應徵耗羨概行豁免用彰優卹編氓格外加恩之至意該部遵諭速行

御製降旨寬免甘肅隨賦耗羨並紀以句

長順

耗羨起何年本是隨賦納積餘因成多為育司津

貼濫醵致不善墨吏恣搜括

皇考憲其弊無已行權法足令輸之官養廉均弗
閱督撫逮佐貳等級以差發其有額外求是貪斯
有罰以其菽水資免賦倒不吝言念甘省黎災餘
幸存活既豫免正供何惜此微末諸臣養廉需毋
寧帑項撥俾予介遺民追呼一以脫

上天况垂佑麥登禾長勅此後暘雨時倉箱庶不
缺詎云元氣復溝壑遑號號西成師尚遑遑敢即
怡悅

乾隆二十六年正月初二日奉

上諭甘省連歲承辦軍需兵民俱為出力其民間
應徵錢糧已節年額免而昨歲雨暘時若穡事大

豐聞閭諒野拮据惟是滿漢各營歷年喂解馬匹
尚有豫借銀兩雖屢次加恩豁免至八十餘萬今
猶有九十六萬四千五百餘兩之多本應於各該
營俸餉內扣還第念兵弁等日用攸資按限坐扣
必貳累害茲大功既歲惠恤宜宣所有豫借銀兩
著再加恩悉予豁免用示朕體恤兵力至意

乾隆三十一年四月初八日奉

上諭雲南附近普洱之十三上司久已輸誠內向
編列版圖近日莽匪滋擾各上司邊境夷民鮮得
寧居現今發兵平勦已搗整久孟良賊巢搜捕匪
黨各上司得復安故上但既受莽匪蹂躪元氣難
免虧損深可軫念即未經被擾上司一切派撥土

練修理橋梁急公踴躍其情亦屬可嘉著加恩將
善藤猛旺整董猛烏烏得車里六因倚邦易武猛
腊猛遮猛龍猛往十三土司地方所有乾隆三十
一年額徵條編正耗及米折銀三千餘兩正耗糧
六百餘石並猛龍一處乾隆三十年舊欠銀二百
餘兩概行豁免以示優恤邊夷之意該部遵諭速
行

乾隆三十二年五月十四日奉

上諭近因緬匪滋擾緣邊土司司事者調度失宜
現在豫籌進剿一切軍行儲備雖絲毫不累民間
但大兵所過物價易致翔踊而糧運轉輸亦不無
稍資民力從前平定準夷回部時陝甘各省俱經

即次疑徵獨賦今滇省軍務方殷宜特沛殊恩以
示體恤所有該省本年應徵地丁錢糧其大兵經
過之地及永昌騰越普洱三府州著全行豁免其
非經過地方亦著豁免十分之五俾得一體需恩
於邊陲生計更為寬裕該督撫等其飭屬實力奉
行毋任吏胥侵漁中飽副朕嘉惠邊氓至意該部
遵諭速行

十七日奉

上諭昨因滇省緣邊一帶官兵進剿緬匪已降旨
將該省本年地丁錢糧分別豁免因念近邊各該
土司地方毗連外夷自芥匪滋事以來伊等均能
奉公効力宜一體加恩俾資生計所有該土司等

應徵本年糧銀普行蠲免以示優恤該部遵諭速行

御製降旨分別蠲免雲南各府州今年正賦及上

司應徵糧銀詩以誌事

丁亥

緬酋不靖事徂征無已滇南當進兵儲峙縱然發
官帑轉輸益復屋民情近臨三府蠲全被所屬他
州道年并永昌普洱騰越三府州及軍行所經今
年正賦概予全蠲其餘即邑並免十分
五之土賦雖輕教概豁從來仁義貴兼行

七月十三日奉

上諭滇省現在辦理進勦緬匪調兵撥餉所有經
過各省地方一切供億悉俱動支官項絲毫下以
累民但直隸河南兩省道路寬平車馬往來支應

較為便易其湖北湖南貴州等處毗連滇境本省
驛馬不敷應用未克稍資民力前曾降旨將雲南
一省地丁錢糧分別蠲免著再加恩將湖北湖南
貴州三省軍行所過地方應徵本年地丁錢糧全
行緩徵以紓民力該督撫其悉心察核妥辦俾閭
閻均霑膏惠副朕軫念黎民至意該部遵諭速行

平惠全書卷九

平惠全書卷十

差役蠲緩二

乾隆三十三年正月二十日奉

上諭昨歲大兵進剿緬匪所有經過各省儲備供億一切動支帑藏絲毫不累閭閻第以沿途支馬運送不無稍資民力疊經降旨將滇省地丁及各上司應徵銀兩分別蠲免復將湖南湖北貴州三省軍行所過地方錢糧全行緩徵以示體恤繼思各省民人感戴國恩深明急公大義踴躍効力自當格外加恩用示獎勵因令各該督撫詳悉確查將各屬軍行所需除正項開銷外實在所資民力若干核明具奏候朕酌量施恩嗣據陸續奏到惟

阿思哈稱河南寄數有八萬六千餘兩而良鄉則以青州所有幫貼人馬銀數多係鄉保措辦地方官無從核算為詞意在徇奸了事甚屬非是已經交部議處後覽方觀承所奏直屬所有幫銀亦數止一萬五千餘兩恐亦事後約舉民車一項而言尚非實數於朕優恤民隱屏除弊端之本意均未能實心體會也在民人等既知殫心竭力以佐軍行其個忱深有足嘉則推恩亦倍當優渥然所在有司必先於辦理之時悉心察核使茅簷一絲一粟皆有細數可稽經理方為妥協否則投令付之不知胥役安得不因緣蠹蝕督撫置之不問州縣又安保無恣意侵牟將吏治奚以澄清恩澤何由

下究耶著將直隸河南湖北湖南貴州等五省一
例從優加賞於藩庫地糧銀內每省給銀十萬兩
交各省督撫酌量情形視其款項數目妥協分給
毋得草率模稜致小民不得均霑膏惠至雲南一
省所有本年應徵地丁錢糧其大兵所過之地及
永昌府屬俱著全行蠲免其非經過地方亦著蠲
免十分之五該督撫等務期實力飭屬詳慎妥協
毋令稍有影射滋弊副朕廣沛殊恩軫念羣黎至
意該部遵諭速行

御製降旨昨年征緬官軍所過省分各賜十萬金
以示體恤滇省則仍如去歲例所過州縣及
永昌府屬全行蠲免正供詩以誌事戎

緬寇昨弗靖有征不可恕三千發禁旅撰吉從京
去供億動正帑毋累閭閻遽惟是逕阻修有司恐
遲誤夫馬出鄉間豈免稍資助咨詢各督撫茲始
惠其款豫省經理善原知津貼數八萬六千餘民
獨佐和雇餘或稱減斯餘或稱不豫朕以各省供
養兵行正帑
奏銷之外必有間閭挾貼之事因降旨各省俾據
實奏聞茲方世雋霞奏湖南所用民資數八萬
四千餘定長奏湖北者則五萬五千餘方觀承奏
直隸者止一萬五千餘皆較河南減少而良御奏
貴州者俱由鄉保指辦地方官不豫其事無憑稽
覈夫地方官不豫則蠹役侵蝕必並累民當經批
飭交議並減斯苦官賠不豫利役蠹均非誠實心
通諭各省體予勤恤慮絜矩有良方各費十萬足舉多尚過
之於興戒新固仍令善承宣寄惠被黎庶滇南例
去歲全免今年賦莫外先安內國帑正充裕俾民

不知兵如從誰席度行待人功成往告傳露布

二月初九日奉

上諭進勦緬匪一事昨經降旨將用兵始末宣示中外現在軍務尚未能即時告竣仍須簡派京兵前往所有經過各省絲毫不累閭閻惟沿途人馬運送或不無稍資民力之處業經疊沛殊恩於上年將湖南湖北貴州三省軍行所過地方錢糧全行蠲徵並今歲加管直隸河南等五省藩庫地糧銀各十萬兩以資辦理俾小民均霑膏惠在百姓等深明大義急公固出於惻誠而朕之軫念羣黎推恩亦倍加優渥昨已有旨將雲南一省本年地丁錢糧分別蠲免著再加恩將直隸河南湖北湖

南貴州五省所有軍行經過各處本年地丁錢糧概予緩徵用善恩澤該督撫等務期實力訪屬遵照妥辦副朕體恤民隱至意該部遵諭速行

十三日奉

上諭大兵進勦緬匪所有鄰近雲南之四川省前經調撥兵丁牛馬以濟軍行現在尚有續行調撥之事所有該省兵丁等項經過州縣一應接遞並送除動支公項外不無稍資民力著加恩將川省赴滇兵丁等項所過該省地方本年應徵地丁錢糧緩至次年徵收以示嘉惠閭閻至意該部遵諭速行

三月初三日奉

上諭滇省年未辦理軍需該處民人踴躍急公深知大義甚屬可嘉已疊次降旨加恩將地丁錢糧分別蠲免以示優恤今思該省現在辦理軍務較他省更屬殷繁雖一切動支帑項絲毫不以累民而解送兵馬辦理糧餉均不無稍資民力朕心尤為軫念若再加恩賞銀三十萬兩該督撫等飭屬妥協辦理俾閭閻得霑膏惠副朕嘉惠黎元至意

二十五日奉

上諭滇省運勤緬匪急公効力已疊經降旨蠲免正賦賞給帑銀以普恩施現在結調官兵經過一切解運糧石軍裝並需內地夫馬接遞護送所有應支腳價若仍照定例給發不足以示鼓舞著加

恩將運送糧石不論夫馬每日每石給銀三錢其
陸送軍裝人夫准照黔省之例每日每夫給銀八
分該督等其務飭所屬悉心經理俾小民均霑實
惠用昭體卹該部即遵諭行

乾隆三十四年正月初二日奉

上諭雲南省兵行所過地方及永昌騰越普洱三
府州地丁錢糧頻年降旨加恩蠲免其非經過地
方亦節次寬免十分之五今念該處軍務尚未告
竣若即照例徵輸閭閻未免拮据著再加恩將雲
南一省兵行所過之地及永昌騰越普洱各府州
本年應徵錢糧仍照前兩年之例全行蠲免其非
經過地方並免十分之五至湖北湖南貴州三省

兵行經過處所前已兩次緩徵今再行加恩將本年地丁錢糧蠲免十分之三俾免按年帶徵以紓民力該督撫等其量率所屬實心經理務令小民均霽膏惠剝脫軫念羣黎至意該部遵諭速行御製新正降旨酌免雲南兵行所過州縣錢糧及

湖廣貴州州縣錢糧特以誌事

且已

撫苗未歸誠強矢難中止勅依次第發上年俸派路兵陸續到滇備用惟原調雲南兵二千名以暫以連動未起程至十二月傳諭派員率領前進師應去不得已直豫地廣饒車馬就熟軌湖南北與黔地反川復瀾兵行歷累月寧下煩閭里免賦十之三稍紓吾赤子滇南衆所萃同仁更殊視連年與溥獨永昌騰越及普洱其非經過處十之五

均弛靖逆豫安民等被肯忘此佇凱大軍迴休息
示邊鄙

初七日奉

上諭征勦緬匪一事今歲必須大舉進兵現派吉
林索倫兵前往所有經過地方一切車馬等項均
動帑辦給絲毫不累閭閻第沿途運送供役不無
稍資民力在百姓久沐恩養遇事服勞固屬分內
之事而踴躍急公淳良足尚自當格外加恩以示
嘉獎直隸河南湖北湖南貴州等五省各賞銀十
萬兩雲南省賞銀三十萬兩均於藩庫內給發該
督撫等悉心實力率屬妥辦俾小民均霑膏惠朕
如此疊沛恩綸惟期卹吾赤子各省倘有辦理不

善或致侵蝕冒銷胥役中飽等弊非但承辦之地
方官罪難輕逭即督撫亦自取重戾且封疆大臣
受朕委任遇有此等緊要事務若不稍動大良錫
力董察復何顏對人耶將此通諭知之

御製降旨加賜江緬官兵所過省分各十萬金滇
省三十萬金詩以誌事記

洪德原經正帑支仍教加賜薄恩施今歲學集兵
復派吉林索倫兵四千赴軍營雖沿道儲備悉用
官項帑帑不累民間而運送服勞仍恐有資民力
因照上年恩旨直隸河南湖北湖南貴州各資銀
十萬兩雲南省銀三十萬兩並防大吏等力董察
俾小民均霑恩惠毋最虐吏習其嚴飭稽曰民驕
我豈辭或有言百姓久沐恩養趨事乃其常分若
恤民瘼損上益下之澤不靳屢施良民踊躍急公
宜予獎資臨使習而或臨不循愈於稍有滋累乎

祗席度期六省晏閭閻安始一心怡咸達理紀符
嘉兆速定膚功待返師

二月十一日奉

上諭上年曾經降旨將赴滇省官兵經過之直隸
各州縣現年錢糧加恩緩徵目下已屆應行完納
之期但念各該州縣去秋收成亦有稍歉之處若
新舊一時並徵閭閻未免拮据著再加恩將直隸
上年緩徵各州縣錢糧統俟明年冬熟後再行徵
收以紓民力該部遵諭速行

十二月初三日奉

上諭通年辦理進剿緝匪一事調兵撥餉所經各
省及滇省屯駐兵馬承辦軍需各處雖一切供億

俱係勸支官項絲毫下以累民但沿途運送大馬
執役服勞未免稍資民力而百姓等急公赴義踊
躍可嘉即經宣諭給賞帑銀分別蠲緩以示優獎
今已降旨徵兵所有振旅官兵經過各省均須照
前辦理雖前此存貯賞銀足供寬裕給發而小民
勤懇趨事用宜更沛恩施著再加恩將雲南辦理
軍需地方及永昌騰越普洱三府州明年應徵地
丁錢糧蠲免十分之五其直隸河南湖北湖南貴
州等省經過各州縣明年應徵地丁錢糧蠲免十
分之三該督撫其董率屬員實心察核經理俾閭
閻膏被恩膏刮脫體恤良民嘉惠無已之至意該
部遵諭速行

御製降旨酌免雲南兵行所過州縣錢糧及直隸

河南湖廣貴州州縣錢糧詩以志事類

雖然戡武罷征緬尚有班師振旅旋比里或當執

役鮮於民寧新布恩駢袂徵秋納寬恒賦十五十

三例上年通年征勦緬匪軍行極過地方供頓皆

未免稍資民力曾予分別蠲緩以獎急公今已降

旨徵兵復加恩將滇省承辦軍需州縣正賦蠲十

之五其官兵振旅所經各省蠲十之藏需用培元

氣復勗哉官吏慎勤宣

乾隆三十七年正月初二日奉

上諭昨年四川省輪免正賦並有旨將該省民番

雜糧各項一體蠲免俾得普霑愷澤現在辦理小

金川一事調撥大兵刻期勦滅所有一切軍需供

應俱發帑撥給備用絲毫不可累及閭閻惟是運
送糧餉軍械間亦酌用民力惟並給與口糧腳價
而小民不無勞瘁朕心深為軫念著該督等查明
該省官兵經過之各州縣將本年錢糧再行先予
緩徵俟凱還事竣之後分別等次奏明請旨候朕
加恩以示軫恤邊氓之至意該部即遵諭行

御製降旨四川省供應兵過之各州縣緩徵今歲

錢糧詩以誌事

壬辰

昨歲輪蜀正供今年仍命緩徵農為困小醜忽
謀逆靡已大兵往討先司小金川僧格桑以舊屬土
督臣屢徵不從是以分路進討克至抗我顏行今
約旬班開調寨已破連圍之圍亦解乘此傳六擒
渠國可完局倘爾入金川不即遵諭捕雖是軍需
獻勢必移師往往以藏成事非得已也

發國帑豈無力役藉民從滇師並有加恩例

前年官兵

赴滇一切俱發帑所遇州縣錢糧節次蠲

肯致

問閭數孔耶

乾隆三十八年正月初二日奉

上諭四川自辦理軍務以來一切徵調官兵及輓輸饋運皆係動用公帑從未有絲毫累及閭閻而齎送遠行不無少資民力上年曾降旨分別蠲緩以示優獎而百姓等趨事奉公倍加踴躍一年之內又已積有勤勞茲當小金川全境蕩平自宜益沛隆施俾共洽新春膏澤著再加恩將四川省官兵經過之成都華陽新都漢州德陽綿州梓潼劍州昭化廣元郫縣灌縣汶川保縣雜谷廳茂州松

潘鎮雙流新津邛州名山雅安榮經清溪打箭鎮
蘆山天全州金堂簡州資州資陽內江隆昌瀘州
納谿敘永廳永寧三臺中江達溪射洪渠縣遂州
南充大竹梁山奉節雲陽萬縣巫山等五十廳州
縣乾隆三十八年分額徵錢糧俱緩至三十九年
帶徵其分辦支糧未經過兵之溫江新繁彭縣什
邛崇寧崇慶州仁壽井研安縣綿竹閬中蒼溪南
部巴州通江南江西充營山儀隴廣安州鄰水岳
池馬邊廳宜賓慶符富順南溪長寧高縣筠連珙
縣興文屏山雷波廳巴縣江津長壽永川榮昌綦
江南川合州涪州銅梁大足璧山定遠酉陽州秀
山黔江彭水忠州酆都墊江開縣大寧石柱廳達

州東鄉太平新寧平武江油石泉彰明鹽亭遂寧
樂至安岳眉州丹棱彭山青神樂山城眉洪雅大
江捷為榮縣威遠蒲江大邑合江江安西昌冕寧
鹽源會理州越嶲廳等九十廳州縣所有三十七
年額剝應行帶徵之項俱展限至三十九年再行
帶徵至官兵經過地方番民有認納夷賦銀米貢
馬者俱著一體緩徵用昭格外體恤庶茅簷沐恩
益得寬舒副朕曲體民勞有加無已之至意該部
即遵諭行

御製命緩徵川省過兵各州縣錢糧詩以誌事

已亥

小金事歲討金川不發雖容久在弦彼有謀深寧

可置

金川逆酋索諾木與小金川僧格桑根根為奸黨食革布什咱那克什附逆土司經官兵

以次克復而軍營所獲降人且訊有逆者高謀官
兵回去再打本坪瓦寺直到維州始不難之供令
小金川雖悉平定而主謀未殄日後潛肆併吞是
中朝費如許兵力特以備寇兵而番盜阻邊境何
由安靖按之理勢則我當功倍未宜捐破官兵將
併勦為難中止也
策時特授將軍副將軍參贊大臣等乘小金川既
定明俄索諾木陰謀罪狀大軍伐謀不滅不休事
破其膽且以作六師之氣堅隨征衆土司之心事
定熟籌善後規制俾邊民共享一勞永逸之福
雖云乾輸聲都無累亦念勤勞覺可憐一歲正供
均緩納為民計久愛民先

初二日奉

上諭邇來辦理小金川以來節次調派陝甘官兵
較他省為數稍多一切經過地方停宿供億均動
吏官帑絲毫不以累民第念陝省為入川總匯之
區凡調取陝甘官兵解運軍裝鉛藥鉤鞘等項皆

所必經茲當小金川全境蕩平兵差所過之地民
勞可念允宜量加恩澤用普春祺所有陝省接壤
川省臨邊之寶雞南鄭城固西鄉沔縣略陽寧羌
褒城洋縣鳳縣留壩廳十一廳州縣緩徵正賦錢
糧十分之五其路當孔道差務繁多之咸寧長安
咸陽興平臨潼渭南鳳翔扶風岐山潼關廳華州
華陰武功十三廳州縣緩徵錢糧十分之四辦差
稍次之鄠縣藍田醴泉高陵藍田涇陽三原富平
耀州同官膚施延川延長甘泉隴州沂陽麟遊郿
縣榆林大荔澄城韓城朝邑郃陽蒲城白水興安
州漢陰石泉邠州長武乾州商州鄜州洛川中郿
宜君綏德州木脂清澗四十州縣緩徵錢糧十分

之三至甘肅省僻近西陲民多貧瘠而辦送兵差並
皆電飭趨事所有差務較繁之隴西岷州寧遠漳
縣西固州同階州成縣文縣八廳州縣緩徵正賦
錢糧十分之五其次之皋蘭狄道渭源沙泥州判
平番古浪武威永昌固原靜寧會寧通渭禮縣西
和十四廳州縣緩徵十分之四其次之西寧碾伯
大通巴燕戎格廳寧夏寧朔靈川中衛平羅張掖
山丹東樂縣丞鎮番河州靖遠紅水縣丞涇州平
涼鹽茶廳隆德華亭靈臺寧州安化環縣洮州廳
秦州清水徽縣兩當伏羌三十一廳州縣緩徵十
分之三但緩徵舊欠則急公輸將之戶轉不得一
體同邀惠澤而次年新舊並徵民力亦仍不免倍

據並著將陝甘邊兵各州縣應徵之項統於乾隆三十八年分折賦內分別緩徵以昭公溥其酌緩四五分者仍分作三年帶徵酌緩三分者分作二年帶徵俾羣黎從容輸納永免追呼共享昇平之樂該部即遵諭行

初四日奉

上諭川省自征勦小金川以來貴州湖廣及雲南昭通等營亦俱調撥官兵所有師行供應及一切運送軍裝火藥等項俱動用官帑絲毫不以累民而沿途承應執營皆能踴躍趨事民情殊為可嘉茲當小金川全境蕩平允宜廣沛恩施俾霑閭澤用普春祺曾傳諭各該督撫令查明征兵經過之

地應如何酌量加恩之處分別具奏今據各該督撫等陸續奏到並稱各該省秋成豐稔戶樂盈寧小民胥自忘其勞茲蒙格外施仁遵即查明的議緩徵分數具奏等語所有官兵經過之青州畢節威寧等十七州縣湖廣之竹山竹谿等五十七州縣廳雲南之恩安大關同知等八州縣廳應徵乾隆三十八年分錢糧俱著照該督撫等所奏分別按數緩徵用紓民力各該督撫等其董率所屬悉心察核俾閭閻實被恩膏以副朕嘉惠體恤至意該部即遵諭行圖思德等原摺並發御製命緩徵陝西湖廣等省過兵各州縣錢糧詩

以誌事

已登

一省偶興兵鄰省率波及因悟佳兵非其奈狂番
習者人從悍性成徒徇撫柔之名彼且狎而生玩
故欲靖邊防而專任德化者既用自愚且滋貽
笑古訓稱克詰用嫁不得已惟圖速寧輯始原聽
戎兵良非虛語
變觸逆裔僧格桑以報私怨為名圖各鄂克什之
赴彈壓徒生反覆即當入告以弄進討乃何爾泰
惟事調停猶豫遂致養癰令即小金忽煙平定而
移師直勤金川光渠不難終乃類姑息當大示懲
並縛然始事已悔濡遲矣
創雄師齊衆力陝甘多動旅滇黔慣批往湖南况
接蜀近山蓋攀陟簡精各用長督以旗勇集小金
已全定金川猶竄賊掃穴雖可必未能期頃刻言
念過師處充宜沛恩澤緩徵以次第
陝西寶雞等
六十四州縣
歷甘肅隴西等五十三州縣
歷湖廣竹山等五十
七州縣
歷雲南思安等八州縣
歷貴州畢節等十
七州縣
各詳核該地方人戶出力等差酌定間閭
加恩緩徵分數又帶徵年限務令被澤通均

恩偏洽風鄙問惠心祇覺抱慈德

閏三月二十八日奉

上諭昨因進勦金川曾於湖廣各營調撥官兵所有經過各州縣地方本年應徵錢糧業經降旨按數緩徵以示體恤此外尚有漕項銀款例不並緩小民仍有赴公輸納之勞著加恩將湖北竹山等二十二州縣湖南長沙等二十六州縣本年隨漕等銀准其同地丁一併緩徵俾民力益滋寬裕以副朕加惠無已之至意該部即遵諭行

六月二十四日奉

上諭現在派調京兵二千及吉林黑龍江兵二千赴川省軍營應用一切經過地方停頓俱億俱動

用公帑官為辦理絲毫不累閭閻而執運責任之勞不能不稍藉民力朕每念百姓等之誠心奉公深可嘉尚屢示優恤新正曾加恩將川省官兵經過各廳州縣本年額徵錢糧俱緩至乾隆三十九年帶徵其分辦丈糧未經過兵地方蠲剩應帶之項亦展至三十九年再行帶徵此次京兵過境宜再沛渥恩著將川省乾隆三十九年額徵錢糧均再緩至次年帶徵俾黎庶益臻寬裕至陝甘過兵各州縣亦經降旨於本年新賦內分別緩徵著再加恩將已緩五分者全予緩徵四分者加緩八分三分者加緩六分仍按照分數多寡一體酌分年限帶徵其直隸河南二省京兵經過地方並著加

恩將本年應徵錢糧酌緩十分之五今得一體均
需再通年辦理軍務以來小民趨事急公共知踊
躍無誤足見人具天良倍宜愛惜第恐不肖有司
及奸胥蠹役藉辦差為由妄以無名之項加派侵
肥凌以官勢使萬姓奉上之忱轉受墨吏滋擾之
累不可不實力查辦以安善良著各該督撫留心
嚴行查察設有藉端累民之弊立即據實嚴參審
明時無論官吏即於該處正法示眾毋得稍為姑
息倘督撫等懼干失察處分意存徇庇迴護經朕
另有訪聞或外姪發覺查訊確寄惟該督撫是問
著將此即行通諭知之

八月二十二日奉

上諭據陳輝祖奏此次沿站居民聞官兵經過運送軍械等項咸爭先來站受雇如宜昌已東一路人煙稀少其旁近之恩施宣恩建始等縣民夫亦多自行趨集軍行偶有遺失行裝隨路趕送交收等語此誠佳事該省上年過兵地方本年新正曾經加恩緩徵今沿站旁近各縣民夫俱能踴躍急公各効子來之誼自宜並沛恩膏用昭獎勵著該署督查明恩施宣恩建始三縣量予緩徵十分之幾奏聞請旨再直隸河南陝甘雲貴等省兵行經過各州縣節經降旨加恩分別緩徵其沿站旁近之州縣民夫如有協助辦差出力者並著該督撫一體查明具奏候朕酌量加恩以普一視同仁之

意該部即遵諭行

九月初三日奉

上諭據畢沅奏本年辦理兵差需用馬騾車輛較
多所有永壽涇陽白河平利紫陽三水淳化雒南
商南鎮安山陽等十一縣不在緩徵各屬之內可
否一體酌緩等語前因陳輝祖奏此次官兵經過
之旁近各縣民夫俱能踴躍急公曾降旨將恩苑
等三縣量予緩徵並令直隸河南陝甘雲貴等省
過兵旁近各州縣協助辦差出力者一併查明具
奏候朕酌量加恩今畢沅所奏永壽等縣既俱辦
差効勞即係令查奏中者著加恩將永壽等十一
縣本年應徵地丁銀糧一體緩徵六分著照一視

同仁至意該部即遵諭行

二十一日奉

上諭前因索兵等赴川經過直隸各州縣地方小民趨事赴公俱屬踴躍曾經降旨加恩緩徵錢糧十分之五以示體恤其吉林索倫等兵進口時經由八溝等七廳州縣不在前旨緩徵之列雖兵數止有四千先後共止八起比良鄉等站過兵較少但同屬兵行經過地方民力亦不無勞勩並宜加恩優恤著加恩將八溝塔子溝遼安遵化薊州三河通州等七廳州縣本年應徵錢糧緩徵十分之三俾得均霑渥澤該部即遵諭行

十月初六日奉

上諭前經降旨將赴川官兵經由省分加恩分別
緩徵其沿站旁近之州縣民夫如有協助辦差出
力者並著各該督撫一體查明具奏酌量加恩今
據勒爾謹奏肅州高臺撫彝三廳州縣前因官兵
止過一次未經列入緩徵今續派肅州鎮屬征兵
該地方經過民間踴躍辦差又金縣安定地
處衝途遇有運解皮衣火藥等項亦能諸事奮勇
此五廳州縣居民寄為出力等語著加恩將肅州
高臺撫彝金縣安定五廳州縣本年應徵錢糧緩
徵十分之四俾得均霑渥澤該部即遵諭行

十一月十四日奉

上諭前據陳輝祖奏此次辦理兵差旁近之恩施

建始等縣民夫俱各急公協助特降旨令該署督
查明的量加恩並諭過兵各直省一體據實奏聞
茲據圖思德奏黔省節次派調征兵並運送軍裝
火藥硝斤等項如平遠州民協助人定府平越府
民協助平越縣最為出力其次貴陽府民協助貴
筑縣鎮遠府民協助鎮遠縣亦屬爭先出力等語
該府州縣民夫於軍行之際各知急公大義甚可
嘉尚著加恩將各該府州縣地丁錢糧及改徵米
石著該撫查照過兵地方緩徵之數分別量予緩
徵十分之幾奏聞請旨用昭獎勸該部即遵諭行

十二月二十三日奉

上諭前據陳輝祖奏此次辦理兵差旁近地方民

夫運送軍裝火藥等項俱各急公協助特降旨令
遇兵各直省督撫一體據實會奏副據圖思德奏
黔省所屬之平遠州及平越貴陽鎮遠三府民人
均為出力因令該撫將各該府州縣地丁錢糧及
改徵木石量予緩徵十分之幾分別奏聞茲據奏
平越府民協助平越縣平越州民協助大定府差
務較多最為出力應請緩徵十分之二貴陽府民
協助貴筑縣鎮遠府民協助鎮遠縣差務較次請
緩徵十分之一等語著照所請分別加恩緩徵以
昭獎勵如本年錢糧木石業已全完即著於次年
應徵項內照數緩徵該撫其董率所屬悉心妥辦
毋致吏胥滋弊以副朕體恤民勞至意該部即遵

諭行原單並發

手惠全書卷十